



Հ Ա Յ Ա Ս Տ Ա Ն Ի Հ Ա Ն Ի Ր Ա Պ Ե Տ Ո Ւ Թ Յ Ա Ն Շ Ի Ր Ա Կ Ի Մ Ա Ր Զ Պ Ե Տ

<< >> _____ 2018թ.

N: _____

ք.Գյումրի, Գ.Նժդեհի 16

հեռ. (0312) 3-26-10, ֆաքս (0312) 3-50-77

ՈՒՂԵՐԶ

ՀԱՂԹԱՆԱԿԻ ԵՎ ԽԱՂԱՂՈՒԹՅԱՆ ՏՈՆԻ ԱՌԹԻՎ

Հարգելի հայրենակիցներ

Ջերմորեն շնորհավորում եմ բոլորիս Հաղթանակի և Խաղաղության տոնի կապակցությամբ:

Այսօր մենք բազմաթիվ պետությունների հետ միասին տոնում ենք ֆաշիզմի դեմ տարած հաղթանակը: Մայիսի 9-ը մեր պապերի, հայրերի պատմական հաղթանակների միասնական տոնն է: Այն ամրագրվեց սերունդների հիշողության մեջ որպես Հայրենական մեծ պատերազմի հաղթական ավարտ և նշանավորվեց որպես խաղաղ ու ստեղծարար աշխատանքի նոր սկիզբ: Հայ ժողովրդի հարյուր հազարավոր զավակներ պատերազմի առաջին օրերից սկսած իրենց հերոսական պայքարով մոտեցրին հաղթական ավարտը՝ չինայելով իրենց կյանքը:

Մայիսը մեզ համար հաղթանակների ամիս է եղել դարեր շարունակ, այս տարի նշում ենք Հայաստանի Հանրապետության և մայիսյան հերոսամարտերի 100 ամյակը, իսկ մայիսյան նորոյա ձեռքբերմամբ՝ Շուշիի ազատագրումով, մենք մեզ համար վերահաստատեցինք հաղթական մայիսի նոր իմաստը: Այն դարձավ հայ ժողովրդի վճռականության, ինչպես նաև ազատ ու խաղաղ ապրելու խորհրդանիշ:

Մենք խոնարհվում ենք բոլոր հայրենասեր, արցախյան ազատամարտի և մերօրյա հերոս այն հայորդիների առջև, ովքեր իրենց կյանքը նվիրաբերեցին հանուն հայրենիքի անկախության վեհ գաղափարի:

Մեծ Հայրենականի վետերաններին, Արցախյան պատերազմի մասնակիցներին, Ապրիլյան պատերազմի հերոսներին ու բոլորիս Հաղթանակի և խաղաղության օրվա կապակցությամբ ցանկանում եմ քաջառողջություն, երջանկություն, տոնական բարձր տրամադրություն և խաղաղ երկինք:

Մ.ՊԵՏՐՈՍՅԱՆ

/ պարտականությունները կատարող/